

محمد حماد يكتب لكم
السيناريو الحقيقي

أيام السادات في ظل عبد الناصر

- أمير كويتي بحرر شيكا بعشرة آلاف دولار للسادات لزوم مشنروات الهانم من الخارج
- هوبدي يرفض طلب السادات بالاستيلاء على قصر الوجودي وعبد الناصر بعنفه: أنت محتاج تزناح شوية في ميت أبو الكوم
- أعجب السادات بكرسى جونسون الهزاز فأمر بشراء كرسيين مثله. واحد في المكتب والثاني في البيت

■ عندما يدخل السادات بيت عبد الناصر يتهامس

الجميع: «صحتك ياريس».. وصل

السادات: وصيتك ابني ياريس، عبد الناصر:

ستعيش حتى تدفنا كلنا

مجلس الأمة

مكتب الأمين العام

محمد عبدالسلام الزيات يجلس على مكتبه، مشغولا بين كومة أوراق، يدخل أحد العاملين بالمكتب، يرفع الزيات رأسه:

- مستر رايت الملحق العمالي الأمريكى موجود وعازب يقابل سيادتك.

- خليه يتفضل.

يخرج السكرتير ليدخل ومعه مستر رايت متهللا:

- عندى خبر كويس مستر زيات.

ينهض ليصافحه:

- أهلا وسهلا أنت وأخبارك الكويسة، خير.

- وزارة الخارجية أبدت استعدادها لدعوة وفد برلمانى برئاسة رئيس مجلس الأمة، لأن البروتوكول لا يعطى الكونجرس الحق فى توجيه دعوات، سواء كان الضيوف حكوميين أو برلمانيين، وأنا هنا لأناقش معك ترتيبات الزيارة، هذا إذا كانت هناك موافقة من حيث المبدأ.

يبدو الزيات مفكرا فيما قاله مستر رايت:

- أنا أحتاج إلى فرصة لكى أرد عليك وأعدك أن يكون الرد سريعا خلال أيام.

- أوكى، ولكن دعنى أؤكد أننا نتطلع إلى هذه الزيارة.

- إن شاء الله مستر رايت.

- أوكى - عزيزى.. مع السلامة.

- مع السلامة.

مجلس الأمة

مكتب رئيس المجلس

السادات يجلس ويجواره محمد عبدالسلام الزيات:

فكرة عظيمة يا محمد.

الزيات متسانلا:

- يعنى أبلغهم موافقتك؟

- لا.. موافقتى إيه.. دى عايزة موافقة م المعلم.

- طيب إمتى هاتعرض الأمر عليه؟

مستنكرا:

- أعرضه أنا؟!

مستغريا:

- أمال أنا؟!

- برضه لأ..

مستدركا:

- إنت عارف أحسن حاجة تعملها إنك تكتب

مذكرة بالموضوع بصفتك أمين عام مجلس الأمة

وترسلها إلى الرئيس.

- معنديش مانع.
- أه كده كويس..
وينهض السادات ليتناول غليونه ويشعله.
مجلس الأمة
مكتب رئيس المجلس
يدخل الزيات ويغلق الباب وراءه ويبادره
السادات:
- تعال يا سيدي، الموضوع مشى والرئيس رد
على مذكرتك، خذ اقرا.
يتناول الزيات الورقة من السادات ويقرا بصوت
مسموع:
- لا مانع إذا كان الزيات مطمئنا لمعاملة الوفد
المعاملة المناسبة، التوقيع جمال عبدالناصر.
- يعنى إنت بقيت المسئول يا حلو.
- ربنا يستر.
يقف السادات ويخرج من وراء مكتبه:
- فكرت فى مين يبقى من أعضاء الوفد.
- أنا كنت فكرت فى الأسماء، لكن لو فيه
اقتراحات.
السادات مقاطعا:
أنا معنديش اقتراحات، لكن جيهان طبعا هاتكون
معايا.
ثم مستدركا:
أه فكرتني، فيه الراجل ده بتاع جيناكليس اللي
اسمه طنناش راندوبلو كان بيلح على في أنه يسافر
لأمريكا عشان بنته بتدرس هناك وتبقى فرصة
يزورها ويطمئن عليها.
- ماشى، طنناش عضو فى مجلس الأمة، لكن
المشكلة مش هتبقى فيه.
- أمال فى مين؟
- يعنى.. السيدة جيهان.
مستنكرا:
- مالها.
- الدعوة أساسها أن يكون المدعو ممن يشغلون
مركزا حكوميا أو برلمانيا.
- مشيها إنت مع السفير، وقول له دى رغبتى، إلا
إذا كان ميش عايزنا نساfer.
- ربنا يسهل.. بس الأمريكان مش زينا.
- زينا ولا مش زينا، فهمه زى ما قلت لك وأنا
رايح للرئيس، عشان لو فيه عنده أى تعليمات
بخصوص الزيارة.
يخرج السادات ووراء الزيات.

البيت الأبيض المكتب البيضاوى

الرئيس جونسون يجلس على كرسي هزاز ويجواره السادات ومصطفى كمال السفير المصرى لدى واشنطن، يبدو السادات منتبها لكل حرف يتفوه به جونسون:

- بلغ تحياتى الخاصة وتحيات أسرتى إلى الرئيس ناصر وأسرته وتمنيات الشعب الأمريكى للشعب المصرى بالمزيد من التقدم والرقى.
يهتز جونسون على كرسيه بينما يرد عليه السادات:

- سيدى الرئيس، أشكرك على الفرصة التى أتحنتها لنا بهذا اللقاء، وأنا أعتبر أن الاجتماع كان وديا ومثمرا.

يقف جونسون ويقف معه الجميع ويصافح السادات وهو ينظر إلى السفير المصرى:
- مستر كمال من السفراء القلائل الذين يمكنهم أن يتصلوا بى فى أى وقت ومباشرة بالتليفون.
يرد كمال على مجاملة الرئيس الأمريكى:
- أشكرك سيدى الرئيس.

يتحرك جونسون باتجاه باب المكتب ماسكا يد السادات ثم مصافحا:

- أرجو أن تكون إقامتك فى أمريكا إقامة سعيدة.
- أشكرك على حسن الضيافة.
- لا تنسى أن تبلغ تحياتى الخاصة إلى الرئيس.
- بالتأكيد وشكرا مرة أخرى، مع السلامة.
- مع السلامة.

ويخرج السادات وراءه مصطفى كمال.

شوارع نيويورك

سيارة ضيافة تقل السادات ومعه الزيات بالخلف ويقودها سائق أمريكى زنجى، السيارة فارهة وذات صالون واسع:

- إيه الفخامة دى يا أخى، أدى التقدم ولا بلاش، إنت تعرف مستوى معيشة أى بلد إزاي؟
الزيات متسانلا:

- إزاي؟

- عد السيارات اللى ماشية فى الشارع، عندك فى البلاد بتاعة الاشتراكية تقدر تعد العربيات وإنت واقف، هنا الحكاية مختلفة خالص، الناس هنا مستريحة ع الآخر، شوف العربيات قد إيه؟

تركز الكاميرا على وجه السادات وهو مبهور:

- يخرب بيت الفقر.

وتنطلق السيارة ويتسع الكادر لفرى سيارة
السادات تمضى فى طريقها وحولها عشرات
السيارات الأمريكية.

منزل الزيات

غرفة الصالون

محمد عبدالسلام الزيات يرفع الهاتف على أذنه
ثم يضع يده على السماعه ويحدث أخته:
- قالولى الرئيس طالبنى ع التليفون ويظهر
بيوصلوه على الخط.

غرفة مكتب عبدالناصر

يرن جرس الهاتف بجوار عبدالناصر يتناول
السماعة.

- وصلنى بيه.

ثم بعد برهة:

حمد الله ع السلامة يا محمد، إنت سبت أنور
ليه؟

غرفة الصالون بمنزل الزيات

الزيات على الهاتف:

- يا فندم أنا أصسبت بنزلة برد شديدة فى
نيويورك، وانحبس صوتى وهو قال لى إنه رايح
بروكسل، وأنا فضلت أجي هنا على طول.

غرفة مكتب عبدالناصر

عبدالناصر متسائلا:

- طيب وإيه حكاية الشيك اللى صرفه

فى بلجيكا ده؟

ثم بعد قليل:

- طيب يا محمد متشكر توى. وحمد الله ع
السلامة.

مجلس الأمة

مكتب الزيات

محمد عبدالسلام الزيات أمين عام مجلس الأمة
يجلس إلى مكتبه يقرأ فى أوراق، ويوقع بتأشيرات
على بعضها ويتفحص بعضها الأخر، يدخل عليه
فوزى عبدالحافظ السكرتير الخصوصى للسادات:

- حمد الله ع السلامة يا فوزى.

وهو مازال واقفا:

- الله يسلمك يا أستاذ محمد.

- إيه مالك، مش على بعضك ليه؟

- واللّه ما أنا عارف أتصرف إزاي فى المصيبة

دى؟

- مصيبة إيه يا راجل، خير طمنى؟

كانه يحدث نفسه:

- أنا مش عارف الموضوع ده اتعرف إزاي؟

- إيه بس فيه إيه. قوللى لى؟

- مش عارف أدبر ثلاثة آلاف دولار إزاي.
يقف الزيات ويتوجه إلى فوزى الذى لايزال واقفا
ويحاول أن يهدئ من روعه:
- اقعد بس كده واهدى وفهمنى بالراحة إيه
الحكاية؟

وهو يجلس:

- الحكاية إن الأمير عبدالله المبارك الصباح كان
أعطى شيك بمبلغ عشرة آلاف دولار للسيد أنور،
عشان مشتريات الست م الخارج، وإحنا رايعين
أمريكا، وبعدين وإحنا فى بلجيكا صرفت الشيك
واتصرف منه ثلاثة وفضل معانا حوالى سبعة.
- طيب مادام الأمير هو الذى قدم الشيك كهدية
فأنت عاوز ترد المبلغ لمن؟
- وكأنه يحدث نفسه:

- أنا الذى هايجننى هو إزاي وصل الخبر هنا، دا
أنا كنت حريص أنى أروح بنك بلجيكا لوحدى،
وقلت ما أخذش حد من السفارة بتاعتنا فى
بروكسل معايا، إزاي بقى الخبر وصل؟، تقدر تقول
لى؟!

- أه هو ده الشيك الذى «الريس» كلمنى عليه.
- هو الريس كلمك إنت كمان؟
- أه.

يخرج فوزى عبدالحافظ دون استئذان مهرولا.

مجلس الأمة

يظهر الزيات فى إحدى ردهات مجلس الأمة
وبعض الأعضاء يستوقفه، يتحادثان ويتصافحان
ويمضى الزيات فى طريقه إلى البوابة الرئيسية
نسمع نداء:

- أستاذ محمد، أستاذ محمد.

يتوقف الزيات ويلتفت إلى الخلف، يظهر فوزى
عبدالحافظ وهو يلهث:

- السيد أنور عابزك تكتب مذكرة.
- مذكرة عن إيه؟

- مذكرة تقول فيها إن الأمير الصباح تبرع
لمجلس الأمة بمبلغ عشرة آلاف دولار لاستيراد
التركيبات الكهربائية للمبنى الجديد.
الزيات مستغربا ومستنكرا:

- أنا مقدرش أعمل حاجة زى دى من غير ما
أتفاهم مع السيد أنور نفسه.
ويترك فوزى واقفا كالمسماز ويمضى فى طريقه
حتى يختفى من الصورة.

مجلس الأمة

الزيات على التليفون يطلب رقما:
- السيد أنور فى؟

فزين؟

ميت أبو الكوم؟

ماقلش هاييجى إمتى؟

يعنى إيه محدش يعرف يا فوزى؟

طيب.. طيب.. مع السلامة.

شارع الهرم

سيارة فيات تسير بسرعة عبر الشارع، يقودها
محمد عبدالسلام الزيات ويركب إلى جانبه أنور
السادات الذى يسأله:

- إنت فاكر الكرسي اللي كان قاعد عليه

جونسون فى البيت الأبيض؟

- أه، الكرسي الهزاز.

- أنا عايز تبعت بتوع المشتروات بدوروا على

اتنين زيه، نخطلى واحد فى مكتبى بالمجلس، وبيعنوا

التانى ع البيت.

- ماشى، بس دا عايز ورقة منك.

مستنكفا:

- أكتب الورقة اللي إنت عايزها، وأنا أوقع لك،

استريحت يا سيدى، نفذ بقه.

وتنحى السيارة إلى يمين الشارع.

قاعة الاحتفالات الكبرى

جامعة القاهرة

القاعة تغص بأعضاء المؤتمر القومى العام

للاتحاد الاشتراكي عبدالناصر على المنصة بجواره

الزيات، نرى السادات جالسا بين أعضاء اللجنة

التنفيذية العليا فى الصف الأول بجواره حسين

المنشاغى وعلى يسرى والدكتور محمود فوزى

والدكتور لبيب سفير وعبدالحسين أبو الفوار وشيخ

الدين داود ونجمال زكريا أسديت وسعراوى حميد.

لقطة مكبرة لوجه عبدالناصر متحفزا للمناقشة،

يبدو أحد الأعضاء وهو يتحدث، لا نسمع كلامه،

تنقل الكاميرا بين وجه الرئيس وقد لمعت عيناه

ويشع وجهه بالرغبة فى متابعة كل ما يقال وبين

المتحدثين الذين يتعاقبون على الحديث ثم لقطة عامة

للقاعة، الجميع يتابع باهتمام بالغ وتركيز واضح.

تضح القاعة بالتصفيق بينما يجلس المتحدث،

تركز الكاميرا على وجه الرئيس وهو يرد على كلام

العضو. تعود الكاميرا إلى لقطة مكبرة للسادات

يكتب على ورقة جملة واحدة ويشير إلى أحد

أعضاء سكرتارية المؤتمر الذى يتوجه إليه يعطيه

الورقة وهو يشير ناحية الزيات.

لقطة عامة للقاعة من خلف المنصة، يبدو

عبدالناصر متحدثا وبجواره الزيات، نرى الشخص

الذى تسلّم ورقة السادات وهو يسلمها إلى الزيات

من أسفل المنصة.

يعرض الزيات الورقة على عبدالناصر وهو لا يزال يتحدث، ينظر فيها، تركز الكاميرا على ما فيها نقرأ «قول للرئيس . أنور بيقولك كفاية»
يتكرر المشهد ثلاث مرات، أحد الأعضاء، يتحدث وعبدالناصر يرد والسادات يرسل ورقة، وفي المرة الرابعة لا يعرضها الزيات على عبدالناصر ويضعها أمامه، تركز الكاميرا على السادات وهو ينظر إلى الزيات كأنه يلومه، تعود الكاميرا في لقطة مكبرة إلى الأوراق التي أمام الزيات نجد أنها أكثر عددا من أوراق طلب الحديث

تدوى القاعة بالتصفيق وعبدالناصر واقف بطريقته المعروفة يحيى أعضاء المؤتمر وسط عاصفة التصفيق، ثم يتجه إلى باب الخروج من فوق المنصة، تركز الكاميرا على السادات مسرعا تجاه عبدالناصر وعندما يصل إليه وقبل الخروج مباشرة من القاعة

- أنا بعث لك ألف ورقة يا ريس علشان صححتك، والزيات ما عرضهاش عليك.

عبدالناصر متأففا

- الزيات عرضها.

ويخرج وراءه السادات وحشد من قيادات الاتحاد الاشتراكي

حديقة منزل عبدالناصر

خالد وعبدالحكيم نجلا الرئيس يجلسان منهمكين في لعب الشطرنج يلمح خالد السادات داخلا من الباب الخارجي للمنزل، يهمس إلى أخيه:-
صححتك يا ريس وصل.

نرى السادات وهو يتوجه إلى الباب المؤدى إلى صالون بيت الرئيس. ويضحك الأخوان.

مكتب عبدالناصر

عبدالناصر على مكتبه يعمل إلى وقت متأخر من الليل، يرفع ساعة أحد الهواتف

«أنا يا سيدي روح إنك وأنا نطلع تمام نضحك»

يتحرك عبدالناصر، ليطفى النور، تعتم حجرة المكتب إلا من ضوء خافت يجي، من الصالون الملحق بالمكتب، يضاء النور من جديد، لنرى عبدالناصر يعود إلى مكتبه، ويرفع الهاتف:

- أبوه يا أنور نمت ولا إيه؟ أصل أنت واخذ بالك

من صححتك، وبتاع النوم بدرى، طيب، عاوزك تجيب

معاك مصحف وإنت جاي بكره، تصبح على خير.

الله يسلمك، لا أنا كويس اطمئن، مع السلامة.

منزل السادات بالهرم

غرفة نومه، السادات ممددا على السرير، ينهض يرتدى روب فوق ملابس النوم، يخرج من غرفة النوم.

حديقة منزل السادات

يخرج السادات من باب المنزل المؤدى إلى الحديقة، يتوجه إلى كرسيه المفضل ويجلس، الضوء خافت، يشعل غليونه ويبدو سارحا، يسمع صوت جيهان:

- أنور.. إنت ما نمتش ولا إيه؟

تدخل جيهان إلى الكادر:

- كان عندي ناس وأنا باودعهم حسيت إن فيه رجل هنا.

- اقعدى يا جيهان.

- خير.

- الرئيس قاللى حاجة غريبة.

- ربنا يجعله خير.

- قاللى تجيب المصحف معاك وانت جاي بكره

وكأنه يحادث نفسه.

طيب أنا رايح له بكره عشان هو مسافر المغرب،

عشان يحضر مؤتمر القمة، إيه بقى حكاية

المصحف دى.

تتأعب:

- هايكون إيه يعنى، أهو كلام، ويكره تعرف منه

قصده إيه، أنا هأقوم أنام لحسن تعبت قوى

النهاردة، تصبح على خير..

تخرج ويبقى السادات يبحث عن إجابة.

حجرة مكتب عبدالناصر

عبدالناصر واقفا وراء مكتبه يمسك بكتاب

يتصفح فيه، يدخل السادات:

- صباح الخير يا ريس.

- صباح الخير يا أنور، جييت المصحف معاك؟

- خير يا ريس إنت خلقتنى مانمش إمبراح.

يدخل حسين الشافعى:

- السلام عليكم.

عبدالناصر مبتسما:

- عليكم السلام يا مولانا.

ثم إلى السادات:

- يلا يا أنور إنت هاتحلف اليمين نائبا للرئيس.

لقطة مكبرة لوجه حسين الشافعى، تبدو عليه

الدهشة والاستنكار، يجلس على أحد الكراسى،

ويشاهد السادات يقف منتصباً أمام الرئيس، يظن

عبدالناصر رفاً على ألقائه.

- إيدى لى صيغة التسم.

يبقى السادات واقفا، تنتقل الكاميرا بينه وبين الشافعي تبدو حالة كل منهما، المفاجأة عقدت لسان الشافعي، والفرحة تكاد تطير عقل السادات، يدخل أحد السكرتارية، يعطى ورقة إلى الرئيس، يناولها إلى السادات.

يتوجه الرئيس إلى أحد أركان غرفة المكتب ليقف، ويقف أمامه السادات ممسكا بورقة تهتز بين يديه:
- أقسم بالله العظيم أن أحافظ على النظام الجمهورى وأن..

مزل السادات

غرفة النوم

السادات يخلع روبه ويعلقه على شماعة خشبية، تدخل زوجته جيهان وتبادره:

- إنت خدت بالك م القصر اللى على الشارع وإنت جاي على هنا، شوفت مصروف فيه قد إيه؟ ديكراته حلوة قوى.

ثم بنبرة تهكم:

- أهو ده اللى يليق بمقام السيد نائب رئيس الجمهورية.

السادات يبدو حازما:

- أنا هاكلم «الرئيس» فى حكاية إن البيت هنا أصبح ضيق ويشوف لنا حاجة من بتاعة الحراسات.

- وليه ميكونش القصر اللى بقولك عليه؟

- إنت شفتيه؟

- أه، رحى مرة بصيت عليه من برة، لكن ناويه أبص عليه تانى.

- طيب سيبينى دلوقت أناام لأنى لازم أكون فى وداع «الرئيس» بكره وهو طالع على موسكو.

ثم متثابرا:

- تصبى على خير.

وهى بتأفف:

- وإنت من أهله.

وتخرج لتغلق الباب وراءها، وتظلم الحجرة تماما

شارع الهرم

قصر تحت التشطيب

سيارتان تقفان أمام قصر فخيم، تجرى فيه عمليات تشطيب شبه نهائية، القصر من الخارج جميل، يطل على شارع الهرم، ونرى بعض العمال منتشرين فى مدخل القصر وعلى بعض شرفاته، تنزل جيهان من إحدى السيارتين بعدما يكون ثلاثة من حراسها الخاصين قد نزلوا من السيارة الأخرى، تتوجه إلى مدخل القصر يحيط بها

حرسها الحاص، يقف فى مواجهتها رئيس عمال
التشطيب ويلهجة حازمة:

- أيوه يا هانم.

- كنت عايزة أخذ فكرة، وأبص على القصر، ثم
متسائلة

- هو بالمناسبة مين صاحبه؟

- اللواء صلاح الموجى.

- دا لوا بوليس ولا جيش؟

- لا... لوا جيش يا فندم، بس هو ع المعاش، كان
قائد منطقة بورسعيد فى العدوان الثلاثى.

- اه، تشرفنا، طيب ممكن ادخل اشوف القصر
من جوه.

- ممنوع يا فندم.

يتدخل أحد الحراس:

- إنت مش عارف الهانم تبقى مين؟

- عارف حضرتك، بس دى أوامر اللواء الموجى،

وهو صاحب المكان، لما قلنا له إن حضرتها جت

قبل كده وبصت ع القصر من برة، قال ممنوع أى

حد يدخل القصر فى غيابيه، وأنا عبد المأمور يا

هانم.

- قول له مش جيهان اللى يتقال لها لا.. ويكره

نتقابل.

وتخرج منفعة ووراءها الحرس، وتركب السيارة

وهى تضرب الباب بقوة وتنطلق السيارتان بعنف

على الطريقة الأمريكية وتخلفان وراءهما غبارا

كثيفا.

قاعة اجتماعات

السادات يجلس متصدرا القاعة على يمينه

شعراوى جمعة وزير الداخلية ومحمد فوزى

وزير الحربية وعلى يساره أمين هويدى وزير

الدولة وبجانبه سامى شرف وزير شئون رئاسة

الجمهورية، الاجتماع يبدو فى نهايته حيث

يتحدث شعراوى مع فوزى، وسامى شرف

منهمك فى الكتابة على ورقة أمامه، يلتفت

السادات إلى أمين هويدى ويميل عليه متحدثا

بصوت خفيض:

- إنت مش جالك قرار وضع اللواء بالمعاش

صلاح الموجى تحت الحراسة.

- اه وصل.

- طيب، كنت عايز أنقل أنا وأسرتى فى مكان

يليق بنائب الرئيس، والجدع ده عنده قصر قدام

بيتنا فى الهرم.. غياريت تخلى بتوع الحراسة

يسلمونا القصر.

- مفيش مانع، بس مش حاجة زى دى محتاجة

موافقة م الرئيس؟

- يعنى الرئيس هيمانع يا أمين؟
- مش حكاية ممانعة، بس كنت شايف إن الأفضل
إننا نستنى موافقته، أو على الأقل لما ياخذ علم
بالموضوع.

- هو الرئيس هايرفض إن النائب بتاعه يسكن فى
مكان يليق بمركزه؟

- يا فندم الرئيس هايرجع من برة بعد يومين ثلاثة
والحكاية فى رأى مش مستاهلة استعجال،
وحضرتك تاخذ منه الموافقة وأنا أنفذ.

يعلو صوت السادات:

- ماشى يا أمين.. ع العموم متشكر قوى.

أمين هويدى باستغراب:

- لأ.. العفو..

ينهض السادات واقفا ويتوجه بالحديث إلى
شعراوى جمعة:

- فيه حاجة تانية يا شعراوى؟

- لا.. خلاص.

- طيب أستأذن أنا.. سلام عليكم.

يخرج السادات من قاعة الاجتماع بينما ينظر
الحاضرون إلى بعضهم نظرة تعجب واستنكار.

مقر الاتحاد الاشتراكى

محافظة الجيزة

غرفة أمين المحافظة، يجلس فيها فريد عبدالكريم
إلى مكتبه وأمامه اللواء صلاح الموجى شاكيا:

- يا فندم أنا كنت ساكن سعادتك فى فيلا
بالمهندسين بالإيجار وأخطرت صاحبها بأنى
حاخلى الفيلا، وفعلا راح مأجرها لناس تانيين،
والقصر بتاعى مش قادر أدخله عشان قلنا للست
لأ، يحطونى تحت الحراسة، أنام أنا وولادى فى
الشارع، هى دى أخرة خدمتى للدولة.

فريد عبدالكريم متجاوبا مع مشاعره:

- شوف القصر بتاعك ده لا يمكن نحمله، إلا إذا
عرضنا الموضوع على الراى العام لغاية الرئيس ما
بيجى من برة.

اللواء صلاح يبدو فاقدا للامل:

- أنا معايا شكوى مقدمها إلى جميع المسئولين

وبعت نسخة منها إلى الرئاسة.

- خلاص تنزل تطبع منها عشرة الاف نسخة

عشان الناس تعرف إن أنور السادات عايز يستولى
على قصرك وابقى قابلى لو دخله برجليه لما يرجع
الرئيس.

كورنيش النيل مقر الاتحاد الاشتراكي

حشد من قادة الاتحاد الاشتراكي يملأون قاعة اجتماعات اللجنة المركزية، يتحدثون في حوارات جانبية وقوفا، بينما يتوجه السادات إلى حيث شاهد فريد عبدالكريم ودون أن يصافحه يبادره مباشرة:

- يا فريد قول لصالح الموجي أنا مش بتاع قصور أنا راجل معدم وبتاع أرصفة.
ويتركه وسط دهشة المحيطين بفريد عبدالكريم ودون أن يعلق أحد.

مطار القاهرة الدولي

السادات وحسين الشافعي وشعراوى جمعة وسامى شرف يقفون على أرض المطار فى استقبال عبدالناصر الذى نراه ينزل من سلم الطائرة ويبدو عليه الإرهاق الشديد، السادات يرفع يديه مرحبا بالرئيس الذى لا يبادلته التحية ويبدو غاضبا:

- إنت كل شوية عاملك مشكلة، يظهر إنك محتاج ترتاح لك شوية فى ميت أبو الكوم.
يتجاوزه عبدالناصر ليصافح بقية مستقبليه بينما يتصعب العرق غزيرا من جبهة السادات، ويستقل الرئيس سيارته وتنطلق خارجه من أرض المطار.

منزل السادات بالهرم

يجلس عبدالناصر وفى صحبته السادات ونرى جيهان تدخل وتخرج، وتبدو الجلسة حميمة، وعبدالناصر فى حالة استرخاء والابتسامه على وجهه:

- حلوة النكتة اللي فى الآخر دى.
- دى آخر نكتة يا ريس، لسة جاية بالسيلوفان بتاعها.

يضحك عبدالناصر، تدخل جيهان:
- العشا جاهز يا ريس.

- والله ما لى نفس، لكن ها اشارككم، اتفضلوا.
ينهض السادات ويفسح الطريق لعبدالناصر الذى يتقدم باتجاه حجرة الطعام.
حديقة منزل السادات:

عبدالناصر والسادات فى حديقة منزل السادات يشربان الشاي ومعهما جيهان:

- والله ألك كويس قوى يا أم جمال.
- بقى طلو بوجودك يا ريس.
وتستأذن لعمل شىء...

السادات يميل على عبدالناصر:
- أنا هاستغل الفرصة دي، وعاييز أوصيك يا
ريس.
- خير يا أنور وإنت محتاج فرص عشان
تستغلها.
- لا، بس أنا حاسس إن يومى قبل يومك يا ريس،
ووصيتى جمال ابنى.
عبدالناصر شاردا:
- الأعمار بيد الله يا أنور.
ثم مقاطعا:

- يا أخى إنت واخذ بالك من صحتك تمام، ولا
تاعب نفسك فى حاجة، وأنا أراهنك إنك هاتعيش
لغاية ما تدفنا كلنا.
يكون الرئيس قد نهض وهو يتحدث ويسرع
السادات بطلب تجهيز سيارة الرئيس وعبدالناصر
يمشى أمامه فى الطريق إلى باب الفيلا.
غرفة نوم عبدالناصر

الرئيس يرتدى بيجامته ممددا فوق السرير
مغطى نصفه الأسفل بملاءة سرير بيضاء، نرى
حول السرير وفى أركان الغرفة كلا من حسين
الشافعى وعلى صبرى وشعراوى جمعة والفريق
أول محمد فوزى وسامى شرف ومحمد حسنين
هيكل وأمين هويدى وهم جميعا فى حالة حزن
بالغ والدكتور الصاوى يللمم أجهزته ويهم
بالخروج من الغرفة بينما يدخل السادات
مرتاعا، وينظر إليه الجميع وهو يركع على
ركبتيه إلى جوار سرير القائد الراحل ويرفع
جزءا من الملاءة يقبل يد عبدالناصر وينهض
قليلا لكى يقبل جبهته وقد أغرورقت عيناه بدمع
غزير..